

სსიპ - დავით აღმაშენებლის სახელობის
საქართველოს ეროვნული თავდაცვის აკადემია



2026 – 2028 სასწავლო წლის
თავდაცვის ანალიზის სამაგისტრო
საგანმანათლებლო პროგრამის
გზამკვლევი



სარჩევი:

1. სამაგისტრო საგანმანათლებლო პროგრამის მიმოხილვა

- 1.1 სამაგისტრო პროგრამის ზოგადი აღწერილობა
- 1.2 სამაგისტრო პროგრამის სასწავლო კურსები
- 1.3 სამაგისტრო პროგრამის მიზანი
- 1.4 სამაგისტრო პროგრამის აქტუალობა
- 1.5 სამაგისტრო პროგრამაზე დასწრების მეთოდი

2. სამაგისტრო საგანმანათლებლო პროგრამაზე ჩარიცხვის წინაპირობა

- 2.1 შესარჩევი კანდიდატები
- 2.2 სამაგისტრო პროგრამაზე ჩარიცხვა
 - 2.2.1 სამაგისტრო პროგრამაზე ჩარიცხვის ეტაპები
 - 2.2.2 სამაგისტრო პროგრამის კვოტები

3. შეფასების სისტემა

4. სამაგისტრო საგანმანათლებლო პროგრამის დასრულების შემდეგ კურსდამთავრებულთა შესაძლებლობები

5. დასაქმების სფერო



1. სამაგისტრო საგანმანათლებლო პროგრამის მიმოხილვა

1.1. სამაგისტრო საგანმანათლებლო პროგრამის ზოგადი აღწერილობა:

- სამაგისტრო საგანმანათლებლო პროგრამის დასახელება: **თავდაცვის ანალიზის სამაგისტრო საგანმანათლებლო პროგრამა / MA program in Defence Analysis;**
- მისანიჭებელი კვალიფიკაცია: **თავდაცვის ანალიზის მაგისტრი / MA of Defence Analysis;**
- სამაგისტრო საგანმანათლებლო პროგრამის მოცულობა კრედიტებით: 121 ECTS კრედიტი;
- სამაგისტრო საგანმანათლებლო პროგრამის ხანგრძლივობა: 2 წელი - 4 სემესტრი. I, II, და III სემესტრებში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიებში, ასევე აკადემიაში არსებული ელექტრონული სასწავლო პლატფორმების გამოყენებით), IV სემესტრში - არარეზიდენტულად (დაუსწრებელი).

1.2. სამაგისტრო საგანმანათლებლო პროგრამის შემადგენელი სასწავლო კურსები:

1.2.1 სავალდებულო სასწავლო კურსები:

1. აკადემიური წერა მაგისტრანტებისთვის;
2. კვლევის მეთოდები და დიზაინი;
3. თავდაცვა და ეროვნული უსაფრთხოება;
4. სამხედრო სტრატეგიული ანალიზი;
5. „ხისტი“ და „რბილი“ ძალა საერთაშორისო ურთიერთობებში;
6. ომებისა და სამხედრო ხელოვნების ისტორია;
7. სამხედრო ლიდერობა;
8. ევროკავშირის საგარეო და უსაფრთხოების პოლიტიკა;
9. საგარეო პოლიტიკის ანალიზი;
10. ომის ტრანსფორმაცია - ასიმეტრიული და ჰიბრიდული ომები;
11. თავდაცვის მენეჯმენტი;
12. საერთაშორისო კონფლიქტები;



13. სამაგისტრო ნაშრომი.

1.2.2 არჩევითი სასწავლო კურსები:

1. საერთაშორისო ურთიერთობების ისტორია (ENG);
2. ტერორიზმი;
3. დაზვერვა და ინფორმაციის ანალიზი;
4. საქართველოს ახალი და უახლესი სამხედრო ისტორია;
5. მენეჯმენტის (მართვის) ფსიქოლოგია;
6. შავი ზღვის რეგიონის უსაფრთხოება;
7. სამშვიდობო პროცესები;
8. რეგიონალური უსაფრთხოება;
9. საერთაშორისო ჰუმანიტარული სამართალი;
10. საჯარო ფინანსები და უსაფრთხოების სექტორი;
11. გეოპოლიტიკა;
12. საერთაშორისო უსაფრთხოება და თანამედროვე გამოწვევები.



1.3. სამაგისტრო საგანმანათლებლო პროგრამის მიზანი

პროგრამის მიზანია სიღრმისეული ცოდნისა და პროფესიული უნარ - ჩვევების მქონე სამხედრო და სამოქალაქო მაღალკვალიფიციური კადრების მომზადება, რომლებსაც უსაფრთხოების ცვალებადი გარემოს პირობებში:

- ექნებათ ღრმა და სისტემური ცოდნა თავდაცვის კონცეფციებისა და თეორიების შესახებ;
- მონაწილეობას მიიღებენ სამხედრო პოლიტიკისა და თავდაცვითი სტრატეგიის დახვეწასა და მათ სათანადო განხორციელებაში;
- შეეძლებათ სამხედრო ოპერაციების/კამპანიების მომზადება, დაგეგმვა და აღსრულებაში მონაწილეობის მიღება;
- შეეძლებათ მუშაობა ხელმძღვანელ თანამდებობებზე მუშაობისას თავდაცვის სფეროს ფართო სპექტრში, როგორც ეროვნულ ასევე საერთაშორისო დონეზე.

სფეროს საერთაშორისო სტანდარტების გათვალისწინებით, პროგრამა მაქსიმალურადაა პრაქტიკაზე და კარიერულ პროგრესზე ორიენტირებული და მოწოდებულია მსმენელისთვის ისეთი ცოდნისა და უნარ - ჩვევების მიწოდებაზე, რომლებიც ადეკვატურად პასუხობს თანამედროვე უსაფრთხოების სფეროსა და ქმნის საზოგადოების განვითარების წინაპირობას.

1.4 სამაგისტრო საგანმანათლებლო პროგრამის აქტუალობა

პროგრამის შეთავაზების მიზეზია საქართველოში, სამხედრო სფეროში უმაღლესი განათლების მაგისტრატურის საფეხურზე წინამდებარე უნიკალური პროგრამის შეთავაზების აუცილებლობა. კერძოდ, თანამედროვე ჰიბრიდული გამოწვევების საპასუხოდ, ტოტალური თავდაცვის სისტემის დასანერგად და კომპლექსური პრობლემების გადასაწყვეტად, საქართველოს თავდაცვის ძალებს და ზოგადად, უსაფრთხოების სექტორს ესაჭიროება ღრმა სისტემური ცოდნის მქონე პროფესიონალები. პროგრამა აქტუალურია, კარიერული წინსვლის და უფროს ოფიცერთა შემადგენლობის სამხედრო წოდებრივი და თანამდებობრივი დაწინაურების არსებულ სისტემასთან შესაბამისობის მიზნით.



1.5. სამაგისტრო საგანმანათლებლო პროგრამაზე დასწრების მეთოდი

1.5.1 სამაგისტრო საგანმანათლებლო პროგრამაზე სწავლისას პირველი სამი სემესტრის განმავლობაში პროგრამაზე სწავლა მიმდინარეობს ჰიბრიდული სწავლების (როგორც აუდიტორიებში, ასევე სხვადასხვა სასწავლო პლატფორმების გამოყენებით) მეთოდით, რომელიც წარმოადგენს საჯარო მოსამსახურეებისათვის ოპტიმალურად მორგებულ სწავლების რეჟიმს.

1.5.2 პირველი სამი სემესტრის განმავლობაში სალექციო პროცესი მიმდინარეობს შემდეგი თანმიმდევრობით:

- ძირითადი სასწავლო კურსები (დღეში 2 სასწავლო კურსი) მიმდინარეობს სასწავლო კვირის პარასკევს და შაბათ დღეს. საპატიო მიზეზის არსებობის შემთხვევაში მსმენელებს შესაძლებლობა აქვთ დაესწრონ ლექციებს აკადემიაში არსებული ელექტრონული სასწავლო პლატფორმების გამოყენებით.
- არჩევითი სასწავლო კურსები ტარდება კვირის სამუშაო დღეებში (ორშაბათი, ხუთშაბათი), დღის სამუშაო საათების დასრულების შემდგომ (18:00 საათის შემდეგ) ჰიბრიდული სწავლების მეთოდის შესაძლებლობით.

1.5.3. მეოთხე სემესტრში მსმენელები (ხელმძღვანელის/თანახელმძღვანელის მენტორობით) დამოუკიდებლად მუშაობენ სამაგისტრო ნაშრომზე, დაუსწრებელ რეჟიმში.

2. სამაგისტრო საგანმანათლებლო პროგრამაზე ჩარიცხვის წინაპირობა

2.1 შესარჩევი კანდიდატები:

- პროგრამაზე სწავლის მსურველებს უნდა ჰქონდეთ მინიმუმ ბაკალავრის ან მასთან გათანაბრებული აკადემიური ხარისხი;
- საქართველოს თავდაცვის სამინისტროს სისტემის სამხედრო მოსამსახურე, სამოქალაქო და სახელმწიფო სპეციალური წოდების მქონე მოსამსახურე პირები;
- პროგრამაზე ასევე დაიშვებიან უსაფრთხოების სექტორის და სახელმწიფო სტრუქტურების მოქმედი თანამშრომლები;
- საქართველოს მოქალაქეობის მქონე სამოქალაქო პირები.



2.2 სამაგისტრო საგანმანათლებლო პროგრამაზე ჩარიცხვა

2.2.1. სამაგისტრო საგანმანათლებლო პროგრამაზე ჩარიცხვის ეტაპები

სამაგისტრო საგანმანათლებლო პროგრამაზე ჩასარიცხად კანდიდატებმა:

- უნდა განახორციელონ ერთიანი ეროვნულ გამოცდებზე რეგისტრაცია 2026 წლის 6 აპრილიდან 11 მაისის ჩათვლით (ერთიანი ეროვნული გამოცდების საერთო სამაგისტრო გამოცდისათვის რეგისტრაცია მიმდინარეობს online, შეფასებისა და გამოცდების ეროვნული ცენტრის ვებგვერდზე www.naec.gov.ge; online.naec.ge. ზუსტი ინფორმაცია საჭირო ქმედებების შესახებ განთავსებული იქნება ცენტრის ვებ-გვერდზე);
- წარმატებით უნდა ჩააბარონ ერთიანი ეროვნული გამოცდების საერთო სამაგისტრო გამოცდა;
- წარმოადგინონ ინგლისური ენის ცოდნის B2 (NATO-ს სტანდარტი STANAG 2/2/2/2) დონის დამადასტურებელი დოკუმენტი ან ჩააბარონ აკადემიის მიერ ორგანიზებულ ინგლისური ენის გამოცდა .

შენიშვნა: STANAG 2/2/2/2 (სტანაგის თაობაზე ინფორმაცია იხილეთ თავდაცვის სამინისტროს ინტერნეტ გვერდზე - <https://mod.gov.ge/ge/page/116/stanag-6001> ან თავდაცვის სამინისტროს შიდა პორტალზე - pd-mil.ge/english-text).

კანდიდატს ენის ცოდნის დასადასტურებლად შეუძლია წარმოადგინოს ენის ცოდნის შესაბამისი დონის დამადასტურებელი სერტიფიკატი მინიმუმ CEF B2 (ან შესაბამისი დონის TOEFEL/ILTS/ECL ან სხვა საერთაშორისო ინგლისური ენის გამოცდა) ან წარმოადგინონ დიპლომი/სერტიფიკატი, რომელიც ადასტურებს, რომ გავლილი აქვთ ინგლისურენოვანი უმაღლესი საგანმანათლებლო პროგრამა ან სამხედრო საკარიერო კურსი (CCC, CGSC, WAR COLLEGE და ა.შ.);

- წარმატებით უნდა ჩააბარონ მისაღები გამოცდა სპეციალობაში (მისაღები გამოცდის თემატიკა გამოქვეყნდება აკადემიის ვებ-გვერდზე შიდა გამოცდის თარიღამდე ორი კვირით ადრე).



2.3. სამაგისტრო საგანმანათლებლო პროგრამის კვოტები

სამაგისტრო საგანმანათლებლო პროგრამაზე ჩასარიცხი სამხედრო და სამოქალაქო პირების კვოტა არის 20, რომელიც შემდეგნაირადაა გადანაწილებული:

- საქართველოს თავდაცვის სამინისტროს სისტემის სამხედრო მოსამსახურეები, საქართველოს თავდაცვის სამინისტროს სისტემაში შემავალი სამოქალაქო და სპეციალური წოდების მქონე პირები - 10 მისაღები ადგილი;
- საქართველოს სახელმწიფო უწყებების თანამშრომლები - 5 პირი;
- სამოქალაქო პირები - 5 პირი.
- თუ სამხედრო/სამოქალაქო მოსამსახურეების რაოდენობა აღემატება პროგრამისათვის არსებული ადგილების რაოდენობას, მისაღები გამოცდის შედეგების მიხედვით შექმნილი რეიტინგის შესაბამისად, პროგრამაზე ჩაირიცხება უფრო მაღალი მაჩვენებლის მქონე სამხედრო/სამოქალაქო მოსამსახურე.
- რომელიმე სახელმწიფო უწყებიდან კანდიდატის არ არსებობის ან საგამოცდო მინიმუმის ვერ გადალახვის შემთხვევაში მათი კვოტა დაემატება თავდაცვის სამინისტროს (მისაღები გამოცდის შედეგების მიხედვით შექმნილი რეიტინგის შესაბამისად, კურსზე ჩაირიცხება უკეთესი შეფასების მაჩვენებლის მქონე სამხედრო მოსამსახურე).

შენიშვნა: მსმენელთა ჩასარიცხ ადგილებზე კვოტების განაწილება რეგულირდება საქართველოს თავდაცვის მინისტრის ბრძანებით.

3. შეფასების სისტემა

თავდაცვის ანალიზის სამაგისტრო საგანმანათლებლო პროგრამის მსმენელის ცოდნის შეფასება ხორციელდება „უმაღლესი საგანმანათლებლო პროგრამების კრედიტების გაანგარიშების წესის დამტკიცების შესახებ“, საქართველოს განათლებისა და მეცნიერების მინისტრის 2007 წლის 5 იანვრის N3 ბრძანების შესაბამისად.

მსმენელთა დატვირთვა მოიცავს: ლექციაზე, სემინარზე დასწრებას, სამუშაო ჯგუფში მუშაობას, პრაქტიკულ მეცადინეობას, დამოუკიდებელ მუშაობას, სამეცნიერო-კვლევით კომპონენტზე (სამაგისტრო ნაშრომი და სხვა.) მუშაობას, სამაგისტრო ნაშრომის



დაცვას, სხვა სახის საქმიანობას სამაგისტრო საგანმანათლებლო პროგრამის სპეციფიკიდან გამომდინარე.

შეფასების სისტემა ითვალისწინებს ხუთი სახის დადებით შეფასებას:

- ა) (A) ფრიადი – შეფასების 91-100 ქულა;
- ბ) (B) ძალიან კარგი – მაქსიმალური შეფასების 81-90 ქულა;
- გ) (C) კარგი – მაქსიმალური შეფასების 71-80 ქულა;
- დ) (D) დამაკმაყოფილებელი – მაქსიმალური შეფასების 61-70 ქულა;
- ე) (E) საკმარისი – მაქსიმალური შეფასების 51-60 ქულა;

არსებობს ორი უარყოფითი შეფასება:

- ა) (FX) ვერ ჩააბარა – მაქსიმალური შეფასების 41-50 ქულა რაც ნიშნავს, რომ მსმენელს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა. მსმენელის სტატუსის შეწყვეტის საკითხს განიხილავს აკადემიური საბჭო. მსმენელს უფლება აქვს, გავიდეს დამატებით გამოცდაზე სასწავლო კურსში - FX- შეფასების მიღების შემთხვევაში დასკვნითი გამოცდის შედეგების გამოცხადებიდან არანაკლებ 5 დღეში.

მსმენელთა ცოდნის შეფასების პროცესში გამოყენებული შეფასების მეთოდები სრულ შესაბამისობაშია როგორც მთლიანად პროგრამით, ასევე მისი ცალკეული კომპონენტით განსაზღვრულ სწავლის შედეგებთან, დარგობრივ და ზოგად (ტრანსფერულ) კომპეტენციებთან. შეფასების კომპონენტები და კრიტერიუმები წარმოდგენილია ცალკეული სასწავლო კურსის სილაბუსში.

მსმენელთა ცოდნის შეფასება ხორციელდება 100-ქულიანი სისტემით. შეფასება ითვალისწინებს: შუალედურ და დასკვნით შეფასებებს, რომელთა ჯამი წარმოადგენს საბოლოო შეფასებას; შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი. შეფასების კომპონენტები, მეთოდები და კრიტერიუმები წარმოდგენილია სამაგისტრო საგანმანათლებლო პროგრამის სილაბუსებში.



სამაგისტრო საგანმანათლებლო პროგრამების სასწავლო კომპონენტებში შუალედური და დასკვნითი გამოცდებისა და შუალედური შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომი ფასდება ერთჯერადად (დასკვნითი შეფასებით). დასკვნითი შეფასება მოიცავს სამაგისტრო ნაშრომის ხელმძღვანელის შეფასებას (20 ქულა), რეცენზენტის შეფასებას (30 ქულა) და სამაგისტრო ნაშრომის შეფასებას საჯარო დაცვაზე (50 ქულა). კრედიტის მიღების მოთხოვნაა მაქსიმალური (100) ქულიდან 51 ქულის ან მეტის მიღება.

სამაგისტრო ნაშრომის დაცვამდე მსმენელმა უნდა შეასრულოს შემდეგი აქტივობები:

- მოამზადოს მინიმუმ 1 პუბლიკაცია და გამოაქვეყნოს სამეცნიერო ჟურნალში;
- მონაწილეობა მიიღოს მინიმუმ 1 სამეცნიერო კონფერენციაში.

4. სამაგისტრო საგანმანათლებლო პროგრამის დასრულების შემდეგ კურსდამთავრებულთა შესაძლებლობები

სამაგისტრო საგანმანათლებლო პროგრამის კურსდამთავრებულს აქვს შემდეგი ზოგადი (ტრანსფერული) და დარგობრივი კომპეტენციები:

- სიღრმისეულად იაზრებს თავდაცვის ანალიზის, ეროვნული თავდაცვის პოლიტიკის და საგარეო პოლიტიკის ძირითად პრინციპებს, თავდაცვის კონცეფციებს და თეორიებს, რაც მისცემს მათ შესაძლებლობას იმსჯელონ, განიხილონ და მონაწილეობა მიიღონ ახალი მიდგომებისა და კონცეფციების შემუშავების პროცესში;
- სისტემურად აღწერს თავდაცვის ანალიზისა და ეროვნული თავდაცვის პოლიტიკის ძირითად პრინციპებს;
- კრიტიკულად განიხილავს სამხედრო ლიდერობაში არსებულ თანამედროვე მიდგომებს;
- სამხედრო ინტერვენციის, ოკუპაციის და ანექსის შესახებ მიღებული ღრმა ცოდნის საფუძველზე გადმოსცემს ომებისა და სამხედრო ხელოვნების ისტორიის არსს, თანამედროვე საბრძოლო ტაქტიკას და სტრატეგიას, ახდენს საქართველოს უახლესი ისტორიის საკითხების ილუსტრირებას სამხედრო-პოლიტიკურ ასპექტში;
- არჩევს შესაფერის მეთოდებს ეროვნული უსაფრთხოების საკითხების ანალიზისთვის;
- კრიტიკულად აანალიზებს რეგიონული და საერთაშორისო უსაფრთხოების ასპექტებს;



- ახდენს თავისი დასკვნების, არგუმენტაციისა და კვლევის მეთოდების ჩამოყალიბებას აკადემიურ თუ პროფესიულ საზოგადოებასთან, აკადემიური კეთილსინდისიერების სტანდარტებისა და საინფორმაციო-საკომუნიკაციო ტექნოლოგიების მიღწევათა გათვალისწინებით;
- ურთიერთაკავშირებს თავდაცვის ძალების რესურსების დაგეგმვას, ბიუჯეტირებას და პროგრამირებას;
- ახდენს, ამოცანით მართვის ფილოსოფიის ინტეგრირებას სამხედრო ლიდერობაში;
- გეგმავს საკუთარი და სხვების პროფესიულ განვითარებას, რითაც ხელს უწყობს პროფესიული ცოდნის აკუმულირებას;
- დამოუკიდებლად წარმართავს საკუთარი სწავლის პროცესს.

5. დასაქმების სფერო

ვინაიდან, საგანმანათლებლო პროგრამის დაშვების წინაპირობის მიხედვით კანდიდატები უკვე დასაქმებულნი არიან უსაფრთხოების სექტორში და სახელმწიფო სტრუქტურებში, მათი შემდგომი კარიერული განვითარების წინაპირობას წარმოადგენს წინამდებარე პროგრამის წარმატებით დასრულება. სისტემის სპეციფიკიდან გამომდინარე, მსმენელის კარიერულ განვითარებაზე პასუხისმგებლობას იღებს ის სტრუქტურა, რომელშიც ეს კონკრეტული პირი მსახურობს. საქართველოს თავდაცვის სამინისტრო არის ეთა-ს აკადემიური პროგრამების დამკვეთი და ეთა-ს კურსდამთავრებულთა ძირითადი დამსაქმებელი.

კურსდამთავრებულები დასაქმდებიან სტრატეგიულ პოლიტიკურ სფეროში, მრჩეველთა პოზიციებზე, თავდაცვის სამინისტროს, საგარეო საქმეთა სამინისტროს, ეროვნული უსაფრთხოების საბჭოს და თავდაცვასა და უსაფრთხოებასთან დაკავშირებულ სხვა დაწესებულებებში. სამხედრო სექტორთან ერთად, კურსდამთავრებულებს შეუძლიათ დასაქმდნენ/დაწინაურდნენ სამოქალაქო სექტორშიც: სახელმწიფო და კერძო ორგანიზაციებში, რომელიც სპეციალიზებულია მიმართულებების დადგენასა და განხორციელებაში: თავდაცვის უსაფრთხოების საკითხებში, კონტრტერორისტულ პოლიტიკაში და სხვა.

კურსდამთავრებულებს შეეძლებათ ეროვნული თავდაცვის საკითხების, თავდაცვის უსაფრთხოების კვლევებისა და პოლიტიკური კვლევების განხორციელებაში მონაწილეობა



და იმ ძირითად სფეროებში მუშაობა, სადაც ორიენტაცია აღებულია ეროვნულ უსაფრთხოებაზე, უსაფრთხოებისა და თავდაცვის მიმართულების ჩამოყალიბებასა და განხორციელებაზე.

საკონტაქტო პირები:

მაგისტრატურის ხელმძღვანელი

პოლკოვნიკი ირაკლი უჩაძე,

ელ ფოსტა: iuchadze@eta.edu.ge;

ტელ: +995 577 19 19 80

თავდაცვის ანალიზის

მიმართულების უფროსი

ვიცე - პოლკოვნიკი ივანე ოქრომჭედლიშვილი

ელ. ფოსტა: iokromchedlishvi@mod.gov.ge;

ტელ: +995 577 19 39 99